

**Uunga siunnersuut: Immakkut angallatit angallatikullu umiarsualivinniittut
peerneqartarnerat pillugu Inatsisartut inatsisaat nr. xx, xx. xxx 2017-imeersoq.**
(Kommuninut, Nunaqarfinnut, Isorliunerusunut, Attaveqaqtigiainnermut Ineqarnermullu
Naalakkersuisoq)

Saqquummiusineq

(Kommuninut, Nunaqarfinnut, Isorliunerusunut, Attaveqaqtigiainnermut Ineqarnermullu
Naalakkersuisoq)

Siullermeerneqarnera

Naalakkersuisut sinnerlugit matumuuna immakkut angallatit angallatikullu
umiarsualivinniittut peerneqartarnerat pillugu Inatsisartut inatsisissaattut siunnersuut
saqqummiuppara.

Nunatsinni immakkut angallatit atorunnaartut angallatikullu peerneqaratik
umiarsualiviniitiinneqartarnerinut assersuutit arlaqarput. Taakku arlalinnik
ajornartorsiortitsippu. Immakkut angallatit atorunnaartut angallatikullu umiarsualiviit
ingerlanneqarnerinut ajornartorsiortitsippu - umiarsualivinni inissamik tigusisaramik
aammalu angallannermut suliaqarnermullu akornutaallutik. Avatangiisit uuliamik
mingutsinnejarnissaannut ulorianartorsiortitsippu. Aamma umiarsualivinni torersaarnissamut
eqiluisaarnissamullu akornutaapput.

Inatsisartut inatsisissaattut siunnersuummi matumani immakkut angallatit atorunnaartut
angallatikullu peerneqarnissaannut peqqusisinnaanissamut, tamatumalu saniatigut avatangiisit
innarlitsaaliorneqarnissaannik Inatsisartut inatsisaat naapertorlugu
mingutsitsisoqarsinnaatillugu peerneqarnissaannut peqqusisinnaanissamut inatsisitigut
tunngavissaqarnissaq qulakkeerneqarpoq.

Tamatuma saniatigut Inatsisartut inatsisissaattut siunnersuummi matumani akisussaasuuusup
immakkut angallatit atorunnaartut angallatikullu peerneqarnerinut aningaasartuutinut
matusinissamut peqquneqarsinnaaneranut periarfissat pitsaanerulernissaat qulakkeerneqarpoq.
Taamaallilluni aamma pisortat namminersortullu umiarsualiviutileqatigiiffiata akiliinissaanut
periarfissat annikillisinnejassapput.

Nuna tamakkerlugu immakkut angallatit atorunnaartut 110-t aamma 180-it akornanni
amerlassuseqartutut missiliorneqarput, aammalu angallatit ukiumut 5-10-nik amerleriartarput.

Matumani kingulliullugu inatsisissatut siunnersuut tassungalu nassuaatit
innersuussutigissavakka.

Taamatut oqaaseqarlunga Naalakkersuisut sinnerlugit siunnersuut Inatsisartuni kajumittumik
suliassanngorlugu tunniuppara.